



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

3. Canis, crano in senis sinum deposito, homicidam accusat.

**urn:nbn:de:hbz:466:1-45701**

cum Mauritania Africam meliorem pristinis legibus reddidisset, instimulante, & obrepente inuidia, mercedis loco, jussum interfici. Et huic quidem hoc contigit immerenti; alijs talia, quæ meruerunt, euenerè. Quis autem scit, quid Theodosio futurum fuisset, si superuixisset? Ut enim medici, quibusdam morbis occurunt prius, quam appareant, ita Deus quædam morte præuenit, ne fiant, sinitque innocentes pati in hac vita, ne nocentes in altera cogatur grauius plectere. Hinc quosdam, etiam per prodigia, magistratui obijcit reos.

## III.

Audiui narrantem, è Chronicis Heluetiorum, non quidem de toto, sed de parte cadaueris, post longos annos sequente, & reum ad vindictam prodente, eiusmodi historiam. Quidam seniculus, Lucernæ in hospitali, jam longam ætatem vicitabat, ab omnibus habitus simplex & probus. Accidit aliquando, ut otiosus, inter reliquos vetulos & vetulas, insolationis causa, pro foribus domus hospitalis assideret, ut istis in more est. Ibi eo vel fabulante, vel nictante, per longissimam urbis plateam, horrificus descendit molossus, demortui hominis caput ore ferens. Et cane, & capite conspecto, tremor metusque invasit cunctos. Sed canis imperterritus per medium stantium sedentiumque turbam irrumpit, & seni jam septuagenario, aut octogenario caluum cranium in sinum imponit, eoque relicto, nullo edito latratu tacitus abit. Admirantur insolens factum omnes, & senem intuentes obstupescunt: qui consternatus surgit, pavamque fatetur, ante triginta annos, puerum à se studiosum, in monte siluaque vicina occisum; eò quod sperasset, se pecunias apud eum reperturum, reperisse autem non nisi tres cruciferos; corpus in fossam abiecisse, agnoscere autem, caput occisi nunc ad se delatum, quia à puerō ad Dei tribunal citaretur. Caput est igitur, & in tam sera ætate capite plexus, ut supplicio suo doceret, supremum judicem nullius facinoris, etiam in filiis & nebris facti, memoriam amittere, & vel mortuos esse homicidiorum suorum accusatores.

## IV.

Moschus  
Euitatus in  
Prat. Spirit.  
cap. 166.

Quæ res alijs multis potest exemplis demonstrari. Valde luculentum illud Moschi. Dicebat Abbas Sabbathius: Cùm sederem in Monasterio Abbatis Firmini, venit latro quidam ad Abbatem Zonim